

# *MBEU A INGA VHI*

## *MULAIKA NA KANDA*

 Ndi a livhuwa nga maanda, Mukomana Demos. Huno zwino ro takala u vha fhano ano matsheloni, na u pfa hovhu vhuțanzi ha vhudi hothe u bva kha havha vhathu vha vhudi, huno zwino ri fulufhela uri Mudzimu vha do isa phanda na u vha na riñe na u ri fhaṭutshedza.

<sup>2</sup> Zwino, madekwana a ḥamus, ndi a pfecta uri ndi khou teya u amba madekwana a ḥamus, Murena vha tshi funa. Huno ndo humbela Mukomana Shakarian, tshifhinganyana tsho fhiraho, ndo ri, “Zwino, u so ngo pfa u tshi shona. Ndi a zwi divha uri ri khou teya u bva hafha nga iri ya vhufumi na nthihi ḥtha ha tshithoma nahone ndo—ndo xedza zwipfi zweṭhe zwa tshifhinga musi ndi tshi swika ḥtha hafha.”

<sup>3</sup> Zwi vhonala unga roṭhe ri ita nga u ralo. Ri pfa... Vha ri, “Miniti mivhili, miniti miraru, kana...” Mukomana Smith, ni a divha, hezwo zwi ya konda u ita nga mivhili kana miniti miraru. Huno ndi a divha uri zwi hani, nahone ndi pfela muñwe na muñwe vhuṭungu. Fhedzi ri kha tshifhinga tsha tshikhathi, hune ra vha hone. Ri khou ya fhethu ha Lini na lini, fhedzi zwino ri tshifhingani.

<sup>4</sup> Huno nda ri, “Mukomana Demos, zwiṭukunyana phanda ha tshifhinga, u so ngo pfa u tshi shona, u nkokodze nga dzhasi huno ndi do zwi divha uri ndi tshifhinga tsha u ima.” Zwino, arali nda sa fhedza, ndi do fhedza madekwana a ḥamus. Zwo ralo arali nda ralo, zwo luga, ndi na liñwalwa liswa la madekwana a ḥamus.

<sup>5</sup> Zwino phanda ha musi ri tshi vula Bivhili, kha ri ambe na Muñwali, na ṭhoho dzashu dzo kotamiswa.

<sup>6</sup> Khotsi wa ṭadulu vha funeaho, ri a Vha livhuwa nga ano matsheloni kha ino khuvhangano, kha zwine ro no zwi pfa. Arali ra nga tou fhirisa phathutshedzo zwino, Murena, ri do pfa uri zwo vha zwavhudzi u vha fhano. Ngauralo ndi a rabela uri Vha ise phanda, arali zwi zwavhudzi maṭoni Avho, huno vha ise phanda kha u vha na riñe nahone vha ri thuse. Huno zwino ri dikuvhanganya u mona na Ipfi. Sa vhunga ro kuvhangana u mona na vhuno vhuledzani nga tshashu, ri tshi pfa vhuțanzi ha zwe Wa ri itela, zwino ri tendele ri humele murahu kha Ipfi huno ri wane hune hezwi zweṭhe zwa bva hone. Zwenezwo, hezwo zwi do vha khwaṭhisidzo ya zwine ra khou pfa na u vhona, zwi tshi iteya ḥamus. Zwi tendele hezwi zwithu nga Dzina la Yesu Kristo. Amen.

<sup>7</sup> Zwino, sa—sa mulanda Wau, ndo—ndo vhofheya kha Mulaedza. Huno tshiñwe tshifhinga a tho ngo pfecteswa, kha zwifhinga zwo fhiraho, huno khañwe zwi do dzulela u ralo. Fhedzi a thi ambi zwithu tshiñwe tshifhinga uri ndi—uri ndi vhe o fhambanaho, ndi zwi amba uri ndi vhe wa ngoho. Huno ndi a takalela u amba zwine nda divha uri ndi zwone. Muñwe na muñwe u na—na pfanelo kha hezwo zwithu, u bvisela khagala kuhumbulele kwawe. Ndi ngazwo ndi vhukati hanu.

<sup>8</sup> Huno Mukomana Shakarian, a tshi amba nga ha garaña dza thabelo kha miduba ya thabelo, nga u vhona zwine Muya Mukhethwa... Zwino, ho ngo amba hezwo nga ha nne. Hezwo ndi nga ha Muya Mukhethwa, ngauri ndi nga ite hezwo zwithu. Muñwe na muñwe u ya zwi divha, uri ndi nga si zwi ite. Fhedzi—fhedzi heło ndi siya lı̄tuku, zwine na vhona hafha. Ni teya u ya nnnda huñwe fhethu, huno ni vhone uri U amba hani zwithu zwi daho! Huno ndi... zwithu zwine zwa do iteya, ndi, hezwi zwi tou vha... vhoiñwi, ndi vhoiñwi vhane vha zwi ita. Ndi vhoiñwi vhane na tenda Mudzimu.

<sup>9</sup> Huno—huno zwenezwo arali ni sa tendi Mudzimu, elelwani, U ni vhudza nga u ralo, heneffha kha pulatifomo. Huno arali ni tshivhini, U ni vhudza nga u ralo. Huno zwithu zwe na ita, na zwe na vha ni so ngo fanela u ita, U ni vhudza nga u ralo. A si zwine vha niwala kha garaña ya thabelo fhedzi. Vha nga niwala kha garaña yavho ya thabelo... Vha nga si ralo u amba, heneffho, uri vha “muitazwivhi,” huno hoyu musadzi o vha “a tshi khou tshila na munna a si ene,” kana zwinwe zwinzhi. Huno hezwo vha nga si zwi niwale kha garaña ya thabelo, fhedzi Muya Mukhethwa u ya zwi wana naho zwo ralo, ni a vhona. Ni a vhona? Huno zwo ralo ndi zwenezwo zwino (hani) tshone—tshone tshipida tshi re ntha ha mupo, khonani.

<sup>10</sup> Huno ndi amba hezwi nga ɻhonifho. Ngauri, a hu na vhunzhi hashu fhano ano matsheloni, hu tou vha tshigwada tshiłuku. Zwi ya mmangadza, u swika hune zwa nnyita uri ndi vhe na mazhuluzhulu, tshiñwe tshifhinga ndi pfa unga ndi nga huwelela. Huno musi ndi tshi dzula fhasi kha vhuimo, thungo ya thavha, heneffho hune nda fhedzesha hone tshifhinga, ndi tshi ɻanganedza u bva ha Mudzimu, nda vhuya ngeno fhasi nda zwi netshedza kha vhathu zwe A nnuya. Huno a—a thi ɻodi u vha o fhambanaho kha vhathu. Fhedzi naho zwo ralo, u vha wa ngoho, ndi teya u vha na vhungoho kha Mudzimu, ni a vhona, kha—kha Mulaedza.

<sup>11</sup> Huno zwino ri khou ralo, Murena vha tshi funa, ri khou lugela u ɻuwa u itela lwendo lwa seli ha malwanzhe, lwa mađuvha a si gathi, huno arali hezwo ha vha lufuno lwa Murena. Ndi hwala thabelo dzañu zwavhukuma.

<sup>12</sup> Ni vha vhudí! Nda thoma u amba, ndi a hangwa zwołhe zwa tshifhinga, vhunga riñe rołhe. Fhedzi kha Mukomana Shakarian,

havha vhashumeli vha u luga hafha kha pułatifomo, na nn̄da hafho, vhoiñwi dzikhonani na Yesu Kristo, ndi a ni luvha nga Dzina Lawe; sa—sa muñwe-vho wa tsini na inwi, nga tshifhambano, kha Mudzimu, ri vharathu na dzikhaladzi.

<sup>13</sup> Ndi khou ḥoda u vula, ano matsheloni, kha Luñwalo, kha Bugu ya Vhagalata, Murena vha tshi funa. Ndi tama u vhala Luñwalo.

<sup>14</sup> Zwino, vhusiku ho fhelaho, ndi tshi pfa mulaedza we wa netshedzwa u bva kha murathu washu wa mushumeli hafha kha pułatifomo, o amba nga dzindimi. Bredesen, Mukomana Bredesen, muthu wa u luga nga maända. Ndi . . .

<sup>15</sup> U vhona hezwi na u shaya ngudo hanga na pfunzo, u shaya u pfectesa hanga nga maipfi, huno zwenezwo vha tshi qivha Mulaedza uri ndi ngoho, nahone ndi tshi vhona vhanna vho raloho sa vhe vha vha kha tshigwada vhuñwe vhusiku, vho ima heneffo, huno hezwo zwi a kona u swikelela holwo lushaka lwa ḥhalukanyo. Vha nga vha vha sa koni u ita zwe Murena a mmbidzela zwone uri ndi ite. Ndi nga si ite zwe Murena a vha vhidzela uri vha ite. Fhedzi rine ri tshi shumisana, ndi na vhuñanzi uri ri nga swikisa Mulaedza, arali ra nga tou dzula phanda ha Mudzimu.

<sup>16</sup> Huno musi a tshi netshedza hone—hone vhuñanzi hafha vhusiku ho fhiraho. Huno Muya Muhethwa wa amba nga dzindimi, huno, muñwe nn̄da kha vhathetsheleri, ndo dzuela u qivha uri hezwo ndi zwi ḥonifha hani. Ngauri, ndi a pfectesa, nga Bivhili, hoyo ndi Muya wa Mudzimu une wa khou qisa tshiwe tshithu kha riñe. Huno a ri, a amba nga iła mvula ya mibvumbi, mvula ya tseula na mvula ya mibvumbi. Huno hezwo zwa nn̄disa kha u elekanya.

<sup>17</sup> Uri Mukomana Bonham u kha di bva u nn̄eya muhwalo u na dzinwe dzitsheke ngomu hayo, a ri, “Hoyu ndi munikelo wa lufuno wa u itela . . . u bva kha vhatthu.” Zwino, o—o, ho vha ho teya vha so ngo zwi ita. Ni a vhona, a tho ngo da fhano u itela heyo ndivho. Fhedzi ndi . . . o, vho nn̄eya won, huno, zwe tou ralo, hu do vha na . . . a hu na ndila ya u humisela murahu. Huno ndi khou ya u u dzhiya, arali Murena vha tshi funa, huno nda lingedza u u vheya kha ḥodeya dzanga, dza u ya seli ha malwanzhe. Ngauri, a tho ngo lambedzwa, a hu na iñwe ndila, hune nda khou ya.

<sup>18</sup> Zwi nga ndi tshiphiri, ngauri zwivhidzo a zwi ntendeli ndi tshi dzhena. Huno ndi khou ya sa muzwimi, ngauri zwi kha Murena wanga. Murena vho zwi vheya mbiluni yanga uri ndi zwi ite, huno ndi khou teya u ya nga ndila ya u vha fhasi ha u dzumbama. Ni a vhona? Ngauralo vha na kuhumbulele ku seisaho hangei, uri muñwe na muñwe u khou ntoda ndi tshi saina garaña, uri ndi do tendelana navho kha zwine vha tenda, huno uri ndi ri hetshi tshiñwe tshigwada tshi khou khakha, nahone

*hetshi tshigwada tshi ri vha ḫo ndzhenisa ngomu arali nda ri hetshi tshigwada tshi khou khakha. Ni a vhona? Fhedzi a thi zwi takaleli hezwo. Ni a vhona, ri kha . . .*

<sup>19</sup> Ndo dzulela u lingedza u ima vhukati ha vhathu, nnda ha zwiimiswa na phambano dzavho, nahone nda vhidzelela kha zwine zwa vhonala sa zwine Muya wa Mudzimu wa khou amba na vharathu hafha ano matsheloni, uri a ri dinomineisheni. Ri vhana vha muṭa. Zwino, a hu na dinomineisheni ya Branham. Hu na muṭa wa Branham, huno roṭhe a ri vhi miraḍo kha hoyo muṭa, ri tou bebelwa kha wonoyo muṭa. Huno ngauralo, ndi, hezwo ndi zwine nda khou lingedza u imela, u—u ya nga hune nda ḫivha.

<sup>20</sup> Zwino kha Vhagalata 4:27-31, ndi a tenda ndo swaya fhasi hafha, ndi tama u vhala hezwi u itela ḥinwalwa.

*Ngauri ho ḫwaliwa ha pfi, Takala, iwe wo omaho u sa bebi; vula nahone u huwelele, iwe u sa athu u vhofholowa: ngauri a re eṭhe u na . . . vhana vhanzhi u fhira uļa a re na munna.*

*Zwino rine, vharathu, vhunga Isaka, ri vhana vha yone pfulufhedziso.*

*Fhedzi vhunga misi kale o bebwaho nga ḫama o tovhola uļa o bebwaho nga Muya, zwo ralo na zwino.*

*Zwo di ralo luṇwalo lu ri mini? Pandela phuli na murwa wayo: ngauri murwa wa phuli ha nga vhi muļaifa na murwa wa mufumakadzi.*

*Ndi zwone-ha, vharathu, a ri vhana vha phuli, fhedzi wa o vhofholowaho.*

Ngavhe Murena vha tshi engedza phathutshedzo Dzavho zwino kha Ipfi Łavho ḫa vhudi.

<sup>21</sup> Ndi na zwiṭuku, vhusiku ho fhiraho ndo ḫwala fhasi zwithu zwiṭuku; huno zwe vha zwi tshi ralo, musi ndi na muṭangano muthihi kha vhege, huiwe fhethu, ndo—ndo vha ndi tshi elelwa hayo Maṇwalo zwi khagala muhumbuloni wanga. Fhedzi zwino nga murahu ndi . . . Zwino, musi ndi tshi zwi amba nga ndila ḫukhu ya u swaswa, a thi ḫodi u swaswa hafha kha heyi pułatifomo. Fhedzi murahu ha musi ndi tshi fhirisa fumbili-thanu, lwa vhuvhili, a thi tsha elelwa sa zwe nda vha ndi tshi ita. Ho no vha na nnzhi dza . . . Ho no vha na maela nnzhi ndi kha heyi fodo ya kale, huno-ha a thi tsha zwi elelwa. Fhedzi musi ndi tshi kha di kona u tshimbila, ndi khou ḫoda u netshedza mutshimbilo muṇwe na muṇwe u itela vhugala ha Úyo We a ntshidza.

<sup>22</sup> Zwino ndi, u vhona zwenezwo ano matsheloni, ndi tshi lavhelesa . . . Khaṇwe hezwi zwi vhonala sa zwi so ngo ḫoweleyaho, huno khaṇwe kha muhumbulo wa ḫama zwi nga vha zwe tanganana zweṭhe, fhedzi zwi tendelana na zwithu zwe nda vhidzelwa zwone. Na tshithu tshiṭuku tshiṇwe na tshiṇwe

ndi tshiga kha nne. Ndi a Tshi lavhelesa, nda vhona uri Tshi tshimbila hani. Ndi zwine nda wanisa zwone mulaedza wanga tshiñwe tshifhinga, ndi u lavhelesa nahone nda vhona ndila ine Muya wa tshimbila ngayo, huno nda vhona zwine *hoyu* muñwe wa amba, zwine *uyo* muñwe wa amba.

<sup>23</sup> Huno no mmbona, zwifhinga zwinzhi, phanda ha tshumelo ya phodzo, ndo ima henefho kha pulatifomo, kana ndo dzula murahu, ndi tshi lavhelesa. Ndi khou pfa Muya, ndila ine Wa tshimbila, huno nda dzula ndo divha uri thaidzo ndi mini kha hoyo muthu o dzulaho hafha. Ni a vhona? Ndi a zwi vhona, ntha *hafha*, ni a vhona, ni a Zwi fara na phanda ha musi ni tshi ya kha pulatifomo.

<sup>24</sup> Zwiñwe zwifhinga na phanda ha musi ndi tshi da muñganoni, zwiñwe zwifhinga, phanda ha musi ndi tshi da hafha California, ndo dzula fhasi na havho vha na nne, nda ri, “Hu do vha na tshithu tsho raliho tshire tsha do iteya, *hezwi* zwi do iteya hafha, huno *hezwi* zwi do vha hafha fhasi, zwi do tshimbila nga *heyi* ndila,” ni a vhona, ngauri zwi kha Muya wa Mudzimu. Ndi ene... U divha zwithu zweithe u bva u rangani, ni a vhona, huno ngauralo Ndi wa Ene wa Lini na lini.

<sup>25</sup> Huno zwenezwo ndi tshi vhona, ano matsheloni, Mukomana Jewel Rose, khonani ya vhudi na murathu kha rine rothe, o takuwa hani nahone a vhala Dzipsalme. Lavhelesani uri izwo zwi tumana hani, vhunga o ri, “Ndi khou ṭoda u vhona lushaka lwa mbeu lo nwambatela kha inwi.” Vhusiku ho fhiraho, Muya wo amba nahone wa ri, huno nga ha, “Mvula ya mibvumbi, ya tseula na mvula ya mibvumbi, dzothe dzi tshi na mađuvhani a u fhedza.” Huno ano matsheloni, “Mbeu yo nwambatela kha inwi.” Ni a vhona, Muya u khou amba, lavhelesani uri Wo ita mini kha havha vhashumeli, na zwiñwe zwinzhi, ano matsheloni. Ngauralo ndi khou dzhiya heyi therero: *Mbeu A I Nga Vhi Mułaiifa Na Kanda*.

<sup>26</sup> Helo ndi liñwalwa li so ngo doweleyaho, fhedzi, *Mbeu A I Nga Vhi Mułaiifa Na Kanda*. Huno u bva kha u dzhiya, ndi tshi ola phendelo yanga ya hezwi, kana liñwalwa langa, zwavhuđi-vhudì, kha Vhagalata 4:27, tharu, Paulo hafha zwe ralo u khou amba nga ha mbeu ya vhukuma ya vharwa vhavhili vha Abrahamu. Zwino, hezwi, ndi khou ṭoda u shumisa hezwi uri ni si pfukiwe ngazwo. Huno arali nda fhirisa tshifhinga, ndi do zwi isa phanda madekwana a ñamusi. Huno ndi khou ṭoda u dededza, sa ngudo ya tshikolo tsha Swondaha, uri ni ralo, ndi a tenda, ni do vha na u pfesesa khwinq.

<sup>27</sup> Huno ndi... Huno vhañwe vha vhoiñwi vhanna vhanne vha—vha kona u ita hezwi zwine nda vha zwone, ndi nga mini... a thi rathiolođzhi, na luthihi. Huno zwe ralo arali ni tshi hanedzana na nne kha Hezwi, zwi pfala sa zwe nda ita vhusiku ho fhiraho musi iñwe khaladzi i funeaho hafha i tshi mmbakela phai ya

tsheri. Ndo dzula kha yanga—yanga . . . kha lufhera lwanga lwa hodela ano matsheloni, nda—nda shenga mbeu, fhedzi ndi kha di la phai. Ndo sokou vhetshela mbeu thungo, ni a vhona. Ngauralo, hezwo ndi, zwine ni si tende nga Hezwi, itanu zwi vhetshela thungo, ni a vhona, huno ni sokou isa phanda na u la zwine na elekanya uri ndi zwone.

<sup>28</sup> Zwino, Paulo u khou amba nga ha vharwa vhavhili vha Abrahamu, vhane, muñwe wavho o vha a wa Sara nahone muñwe o vha a wa Hagara. Zwino ri wanulusa hafha, huno ri pfesesa izwo nga Mañwalo, uri Mudzimu ha imelelwi kha zwivhili. Ndi kha zwiraru. Hu dzulela u vha zwiraru, Mudzimu o khunyelela.

<sup>29</sup> Mbalo dza Bivhili dzi tshimbila nga ndila yone. Mudzimu u khunyelela kha zwiraru, a loshiwa kha zwa sumbe, na zwiñwe zwinzhi. Ni a vhona, ngauralo ri—ri wana uri mbalo dza Bivhili a dzi khakhi.

<sup>30</sup> Huno hafha ri na vharwa vhavhili vha Abrahamu, nahone ri nga kona u vha vhañaifa musi ri muñwe wa havho vharwa, kana muñwe murwa wa Abrahamu. “Ngauri riñe musi ro fa kha Kristo, ri vha mbeu dza Abrahamu, nahone ri vhañaifa Nae u ya nga pfulufhedziso,” ngauralo Abrahamu u teya u vha na muñwe Murwa.

<sup>31</sup> Zwino, ri a zwi divha uri murwa wawe wa u thoma o vha a wa Hagara, nahone ri wanulusa uri murwa wawe wa vhuvhili o vha a wa—o vha a wa Sara. Fhedzi o vha na Murwa wa vhuraru, we a vha a Yesu. Zwino, hezwo zwi nga vhonala zwi so ngo doweleya, fhedzi hezwo ndi zwine ra khou ya u lingedza u nwatekanya. Vhunga ndo amba, Mudzimu u disumbedza Ene mune, tshifhinga tshothe kha khunyelelo, kha zwiraru. Huno ndo qibvisela khagala phanda ha nothe zwino, huno nga maanda kha vhanu vhorathi—. . . vhorathiolodzhi, uri hezwi zwithu zwi nga ndila ine nda Zwi vhona, ndila ye Zwa da kha nñe.

<sup>32</sup> Vhunga u rangani, Mudzimu, Mudzimu o dzula a eþhe, ngauri O vha a Ene wa Lini na lini, ni a vhona, o vha a si Mudzimu. *Mudzimu* ndi “tshiloshiwa.” Huno Logos, sa zwine ra I vhidza, Ipfi lo bvaho kha Mudzimu, Line, muñwe na muñwe u ya zwi divha uri Hezwo ho vha hu Muruñwa wa Murena, kana Ipfi la Murena, le la tevhela Vhaisiraele ngei sogani; Muruñwa wa Mulanga, Logos ye ya bva kha Mudzimu. Huno zwenezwo heyo Logos ya itwa ñama nahone ya dzula vhukati hashu. Zwino ri kha Yohane Mukhethwa 1, “U rangani ho vha hu na Ipfi, Ipfi o vha a na Mudzimu, nahone Ipfi o vha a ene Mudzimu.” Huno zwino, vhunga O ñetshedza vhutshilo Hawe u itela riñe, zwenezwo Muya Wawe u vhuya murahu kha riñe. Yesu o ri, “Nga ilo duvha ni do zwi divha uri ndi kha Khotsi, Khotsi vha kha Nñe; Nñe ndi kha inwi, nahone inwi ni kha Nñe.”

<sup>33</sup> Ni a vhona, Ndi Mudzimu, hothe-hothe, Mudzimu a tshi khou di vhonadza Ene munę, a tshi dibveledza Ene munę kha zwikhathi zwo fhambanaho. Ngauralo hezwi zwiraru, zwa, Khotsi, Murwa, na Muya Mukhethwa, Mudzimu muthihi a tshi khou shuma kha zwibveledzwa zwiraru. Huno riñamusi ri vhathihhi, Tshivhidzo Tshone tshire, tshibveledzwa tsha ngelekanyo ya Mudzimu u bva mutheoni wa shango, u vha na—na Tshivhidzo. Ngauralo havho vha re kha Kristo vho vha vha kha Kristo u rangani, hezwo ho vha hu ngelekanyo Dzawe, nahone ngelekanyo Dzawe ndi zwibveledzwa Zwawe.

<sup>34</sup> Mbeu yo thoma hafha, kha pfulufhedziso. Huno Abrahamu hafha o timatima zwiñuku, nga Isimaele. Huno ndi khou ḥoda u ni sumbedza maga mararu a hezwi, a heyi Mbeu ine ra khou ya u amba ngayo, ine a i nga vhi mulaifa na kanda. Zwino ri wana uri, hafha u rangani, uri Mudzimu vho ḥeya Abrahamu pfulufhedziso.

<sup>35</sup> O ḥeya Adamu pfulufhedziso, u thoma. Huno heyo yo vha u ralo, kana, mulanga wo vha wo ditika. “Arali wa sa ita *hezwi*. Arali wa ita *Hezwi*.”

<sup>36</sup> Fhedzi musi A tshi u ḥeya Abrahamu, ho vha hu si na zwa u ditika ngazwo, “Ndo no zwi ita kale.” Ho ngo vhuya a ralo... . Zwe A ita, zwo vha zwi sa ditiki nga tshithu, O ḥeya Abrahamu. Zwino, huno nga kha izwo, Abrahamu a na pfulufhedziso, zwenezwo ri teya u vha Mbeu ya Abrahamu. “Wo vha u si wa Abrahamu fhedzi, fhedzi na kha Mbeu i mu tevhelaho.” Zwino arali na nga lavhelesa, ho vha hu si “dzimbeu” dzi mu tevhelaho, fhedzi “Mbeu” i mu tevhelaho.

<sup>37</sup> Zwino ri wanulusa uri pfulufhedziso, yo timatimiwa zwiñuku nga Sara, huno Sara o vhudza Abrahamu uri a dzhiye Hagara, Muegipita, musadzi muñuku, uri a vhe mufumakadzi wawe, huno uri heyo ivhe ndila ine Mudzimu a alusa heyi mbeu yo fulufhedziswaho.

<sup>38</sup> Zwino, ni a vhona, u bva kha zwe nda amba vhusiku ho fhiraho, u bva hufhio na hufhio kha ndivho ya vhukuma ya Mudzimu zwi posa zwithu zweithe nnđa ha ndango. Ri nga si bve kha Ipfi ḥa u thoma. Zwi teya u... . Ro amba ngazwo madekwana o fhiraho, kana madekwana a phanda kha o fhiraho, zwavhudz-vhudz, nga ha Biliamu. U na phindulo ya Mudzimu, tswititi nahone i re khagala, “U so ngo ya!” Fhedzi U na lufuno lwa thendelelo. Huno ni nga shuma kha lwonolwo arali ni tshi takalela u ralo, huno Mudzimu vha do zwi ita uri zwi hulise Vhone, fhedzi naho zwo ralo a si lufuno lwo khunyelelaho lwa Mudzimu. Huno hezwo ndi zwone zwine ra teya u tambulela zwone, lufuno Lwawe lwo khunyelelaho, hu si lufuno Lwawe lwa u tendelela. Muvhuso wa Mudzimu, une O... u kha lifhasi ḥamusi, u do... u nga si dzudzanywe, zwa vhudz, nga lufuno lwa

u tou tendelela. Zwi teya u vhuya murahu kha lufuno Lwawe lwo khunyelelaho.

<sup>39</sup> Zwino ri vhona hafha uri Sara, murahu ha musi Mudzimu o vhudza Abrahamu uri ḥwana u do bebiwa nga Sara, ane a do fhatutshedza shango, zwino Sara a zwi timatima. Ndi khou ḥoda ni tshi dzhieila nzhele, a zwe ngo bva kha Abrahamu; fhedzi kha Sara, wa tshifumakadzini. Huno a zwi timatima, huno a ri, "Dzhiya Hagara." Huno Abrahamu o vha a sa ḥodi u zwi ita, fhedzi Mudzimu vha mu vhudza uri kha ite nga u ralo huno a zwi ite hu si na ndavha. Ngauralo a zwi ita, o timatima zwiṭuku. Zwino, Isaka, nga u vha o vhofholowaho nahone a tshi bva kha musadzi o fulufhedziswaho, o vha a nga si vhe muļaifa na Isimaele, wa musadzi wa phuli, kha u timatima.

<sup>40</sup> Hezwo ndi zwe Paulo a vha a khou lingedza u amba hafha. Ni a vhona, hune tshithu tshithihi tsha timatimiwa, huno tshi disa tshiñwe tshithu tsha Mudzimu, iñwe mbekanyo ya Mudzimu, fhedzi a i nga vhi muļaifa na mbekanyo ya vhukuma ya Mudzimu. Ni a pfectesa? Ni a vhona, i nga si vhe muļaifa.

<sup>41</sup> Zwino ndi ngazwo ndi tshi konda ḥamusi. Huno ndo elekanya uri hetshi tshi do vha tshifhinga tsha vhuđi, ngauri a thi divhī uri ri do vha rođe lwa tshifhinga tshingafhani, huno, khañwe ndi nga ralo, nga iñwe ndila-vho Mudzimu vha nga nthusa u ni sumbedza mbuno ya uri ndi hanedzane na vhurereli ho ḥiimisaho ndo khwaṭha. Ni a vhona? Ni a vhona, zwi nga si vhe muļaifa na mbekanyamushumo ya vhukuma ya Mudzimu, ngauri tshiimiswa a si tsha Mudzimu. Ndi tsha muthu. Tshivhidzo tsha u thoma tshe tsha vhuya tsha ḥiimisa, kha shango lođhe, ho vha tshivhidzo tsha Katolika ya Roma ngei Nicea, Roma. Nzumbululo 17, i ri, "Ndi phombwe, nahone vhana vhawehothe ndi dziphombwe." Huno phombwe ndi musadzi a sa tshili lwa ngoho kha munna wawe, huno phombwe ndi tshithu tshithihi. Fhedzi, ni a vhona, tsha vha tshivhidzo, zwe di tou ralo. Ndi maitele o ḥiimisaho nahone a fhandekanya vhushaka ha vharathu. Ro lingedza u ita zwivhidzo zweithe uri zwi vhe tshiimiswa. A zwi nga shumi; a zwi athu u shuma. A zwi nga ralo (na luthihi) u shuma. Khorø ya Zwivhidzo ya Shango, vha tou vha . . . vha nn̄da ha mbekanyamushumo ya Mudzimu.

<sup>42</sup> Zwino ni ri, "Ni nnyi inwi, muthu zwawe o imaho heneffo a si na na phendaluambo ya pfunzo ya tshikoloni?" Hezwo a zwi iti phambano, zwine pfunzo ya vha zwone. A si pfunzo yanga ine nda khou lingedza u amba na inwi ngayo.

<sup>43</sup> Ndi Ipfi la Mudzimu line nda khou amba ngalo, ni a vhona. Huno hohu u khwaṭhisēdza hune na hu vhona kha vhushumeli, a si nne, ndi Mudzimu u khou lingedza u swikisa hezwo kha inwi, uri ndi Ngoho. Mudzimu u ya ḥibadekanya na mazwifhi? Zwenezwo kha zwi vhe kule na nne, u shumela Mudzimu ane a

fhaṭutshedza mazwifhi. Ndi Ngoho ine A fhaṭutshedza, Ngoho ye Ā ḥonifha.

<sup>44</sup> Zwino, Isimaele a nga si vhe mulaifa na Isaka, ngauri muňwe o timatimiwa zwiṭuku, u tou timatimiwa zwiṭuku. O vha a ḥwana, yo vha i kha di vha mbeu ya Abrahamu, fhedzi a i ngo da nga ndila yo khunyelelaho ya Mudzimu; Isimaele. Zwino ndi nga fhedza tshifhinga tshinzhi hafha, fhedzi ndi khou fulufhela uri Muya Mukhethwa u do ni sumbedza hezwi nga ndila yone-yone ine zwa teya u vha ngayo. Zwino arali vha . . .

<sup>45</sup> Arali Isimaele na Isaka vho vha vha nga si vhe vhaṭaifa vhoṭhe ngauri ndivho ya vhukuma ya Mudzimu yo imelwa nga—nga ndivho ya u tendelela ya Mudzimu, ndila ya u tendelela ye Mudzimu a fhaṭutshedza, zwenezwo-ha na Tshivhidzo tsha tshimuya namusi tshi nga si vhe mulaifa na zwa dinomineisheni. Maitele a dinomineisheni, Mudzimu o vha fhaṭutshedza, vhunga O ralo kha Isimaele, fhedzi zwa Tshimuya a zwi nga vhi mulaifa na zwiňwe. Hezwo ndi zwone. Zwi do ralo, u bva kha tshivhidzo tsha dinomineisheni (tshivhidzo zwatsho, tshivhidzo tsha mvelo), hu do bva Muselwa wa Kristo, Vhađodzwa.

<sup>46</sup> Zwino heneffo, zwine zwa nndina kha ino awara, ndi u divha uri ri vhona dzidinomineisheni dzoṭhe dzi tshi kokodza kha hezwi zwine ra zwi divha sa . . . zwine na vhidza mvula ya mibvumbi, kana, u na ha Muya. Naa ni a limuwa uri Yesu o amba, uri, “Musi hezwo zwi tshi iteya, hu do vha vhufhelo”? Musi, musidzana tshipofu wa tsilu na musidzana tshipofu wa u ṭalifha a vho ngo vha vhaṭaifa vhoṭhe. Ngauri musi . . . Musidzana tshipofu wa tsilu, o vha a tshe tshipofu, o vha a khou tou kundelwa nga Mapfura fhedzi. Fhedzi musi a tshi da u renga Mapfura, ho vha hu tshenetsho tshifhinga tshe Muhwe a bvelela. Huno a siiwa nn̄da, musi a tshi kha di lingedza u renga Mapfura. Ni a pfesesa? [Tshivhidzo tshi ri, “Amen.”—Mudz.] Ndi khou ḥoda hezwo zwi tshi ḥwelela, zwa vhudi. Zwino, ngoho a thi nga isi heyo therò phanda. Zwino, na zwa Tshimuya na zwa mvelo zwi nga si le ia zweṭhe.

<sup>47</sup> Ndi ngazwo u Takulelwa n̄tha, Muselwa, musidzana tshipofu wa vhūṭali, vho vhidzelwaho nn̄da, vho tiwaho, vho nangiwaho! Ndi ngani, vho inwi vhoramabindu ni nga si tshimbidze ofisi yańu vhunga vhańwe vhatu vhane vha lingedza u elekanya uri Mudzimu u tshimbidza mbekanyamushumo Yawe, lwo vilinganaho. Mudzimu vho zwi divha, u bva mutheoni wa shango, uri ndi nnyi ane a do tshidziwa nahone ndi nnyi a sa do tshidziwaho. Nga u ta, nga u divhela phanda, O vhona murado muňwe na muňwe, a vheya dzina lińwe na lińwe kha Bugu ya Ngwana ya Vhutshilo, phanda ha musi Tshivhidzo tshi sa athu u thoma. Yesu o da u zwimana na u tshidza hezwo zwe zwa vha zwi kha heyo Bugu. O renga Bugu ya Thengululo. Yo vha yo xela, huno O ri rengulula, nahone madzina othe e a vha a kha heyo Bugu o rengululwa musi A tshi ri rengulula.

<sup>48</sup> Zwenezwo, vhunga ndo zwi amba lunzhi, izwo ni a zwi limuwa. Ndi ngazwo ni fhano ano matsheloni, ndi ngazwo ni tshi khou bva kha hezwi zwiimiswa zwothe na zwiñwe. Ni... Hu na Tshiñwe tshithu tsho no khou ni kokodza. Vhunga ngelekanyo yanga thukhu yo vha ya u ralo, nga ha goni li tshi thothonyelwa fhasi ha khuhu, ni a vhona, ni—ni a limuwa uri hu na tshiñwe tshithu tsho fhambanaho. Tshone—tshone tshivhidzo tsho vha tshi si na tshone—tshone tshithu tshi fushaho. Fhedzi, inwi, no pfa tshiñwe tshithu-vho tshe ha vha hu muhuwo, no limuwa zwenezwo, nahone no bebelwa Zwenezwo. Ni tshipida Tshazwo. Inwi, ni a linganelana Natsho, sa gilafu tshandani. Ndi ngazwo ro kuvhangana fhano rothe ano matsheloni, ndi ngauri, vhunga mma wanga vha kale vha ngei thungo ya tshipembe vha tshi dzulela u ri, “zwiñoni zwa mithenga zwi fhufha zwothe,” ngauri ni na zwithu zwi fanaho.

<sup>49</sup> Mafunguvhu na maivha ha na zwi fanaho. Kulele kwao kwo fhambana, naho liivha li tshi nga thothonywa fhasi ha funguvhu. Izwo ndi zwone. Zwi bva kha uri lo vha li mini, na u rangani hazwo. Zwino, huno kha hezwo, naho, lone—lone liivha li nga teya u leliwa nga heło, nga funguvhu, fhedzi mafheleloni li do wana mufarisi walo.

<sup>50</sup> Hezwo ndi zwine Tshivhidzo tsha khou ita ñamusi, ngauri Yesu ndi Ipfi nahone ndi Ene Muhwe, huno Muselwa ndi tshipida tsha Muhwe. Zwo ralo Ipfi line la teya u vuledziwa kha lino duvha ndi tshipida tshi fanaho tsha Ipfi le la vuledziwa nga duvha Lawe, nahone ndi Ipfi li fanaho, tshenzhemo tshi fanaho, Vhutshilo vhu fanaho.

<sup>51</sup> Ngauri, musi Mudzimu a tshi fhandekanya Adamu, o vha a zwothe. Ri wana uri, Adamu o vha a muya, na u rangani hazwo. “O vhumba muthu sa tshifanyiso Tshawe Ene mune, A sika vhe tshiduna na tshisadzi.” Huno zwenezwo, Genesi 2 u tsa fhasi, O sika muthu sa... u bva buseni la lifhasi. Muthu o sikiwa sa tshifanyiso tsha Mudzimu (Mudzimu ndi muya), ngauralo ndi muthu wa muya. Zwenezwo musi a tshi vha muthu wa nama, ñama ya phukha kha lifhasi, U tou vha—U khou sumbedza, u bvisela khagala hafha Muselwa. Ho ngo vhuya a dzhiya nahone a vhumba muñwe muthu, fhedzi O dzhiya tshipida tsha Adamu, tsiko ya vhukuma, a bvisa khae, luvhabvu kha lurumbu lwawe; huno a bvisa muya wa tshisadzi kha Adamu, a si ya muya wa tshiduna ngomu henehfo, huno a u vheya kha tshipida tsha tshisadzi. Zwo ralo, tshipida tsha muya wawe, tshipida tsha muvhili wawe; ñama ya nama yawe, shambo la shambo lawe; Ipfi la Ipfi Lawe, Vhutshilo ha Vhutshilo Hawe, huno heyo ndi yone ndila ine Muselwa a vha ngayo kha Kristo!

<sup>52</sup> Ndi ngazwo u Takulelwa ñha ha Mbeu ya vhuhosini hu tshi teya u ranga u iteya. Huno vhañwe vhafu whothe vha si tshire lwa miñwaha ya tshigidi, zwenezwo vha disiwa Khañhuloni ya Khulunoni Tshedza. Ni a vhona, a hu na khañhulo kha Mbeu ya

vhuhosini, kana Mbeu ya Abrahamu yo tiwaho. Zwino arali na nga dzhiya Yohane Mukhethwa 5:24, thetshellesani hezwi, "Hoyo ane a pfa Ipfi Łanga, nahone a tenda kha Uyo o Nthumaho, u na Vhutshilo tshothe."

<sup>53</sup> Zwino izwo zwi nga fhambana hani na dziňwe thiołodzhi nnzhi dzashu? Zwino ndi nga bva hafha nahone nda ri kha tshidakwa, "Naa u ya tenda?" "Zwo ralo!" Munna a na mufumakadzi wa muňwe munna, "Naa ni a tenda?" "Zwo ralo!" "Naa no dzula kha muļangano vhusiku ho fhelaho, uri ni pfe Ipfi?" "Zwo ralo!" "Ni a Zwi tenda?" "Zwo ralo!" U khou sokou amba izwo.

<sup>54</sup> Fhedzi thalutshedzo ya vhukuma ya heli Ipfi, "hoyo ane a pfesesa Ipfi Łanga, nahone a tenda kha Uyo o Nthumaho." "Uyo ane a pfesesa," hezwo ndi uri, ane Zwi divhisiwa khae.

<sup>55</sup> Yesu o ri, "A hu na muthu ane a nga da ha Nñe nga nnda ha musi Khotsi Anga vho mu kokodza. Huno vhothe vhe Khotsi Anga a Nneya vhone, vha do da. Nngu Dzanga, maivha Anga, a pfa Ipfi Łanga. Mutsinda ha nga mu tevheli." Huno Ipfi la Mudzimu ndi mini? Ndi Ipfi la Mudzimu. Ipfi la muthu ndi mini fhedzi ipfi ławe? Ndi Ipfi la Mudzimu; vha do pfa Ipfi la Mudzimu.

<sup>56</sup> Mbeu ya mvelo zwavhudži-vhudži yo vha i tshi tou vha tshihwali, u thoma kha Isimaele, ha tevhele Isaka, zwenezwo u tsela fhasi kha Mbeu. Vhunga tsinde, malelevudza, na kanda, la mavhele. Zwino, hafha, haya maga mararu a mbeu a sumbedza tshifanyiso tsha ngoho tshine nda khou ḥoda ni tshi tshi dzhieila nzhele na nñe ano matsheloni. Ri khou zwi vhona hafha.

<sup>57</sup> Huno nga u vha a so ngo funzeyaho, ndi teya u dzhiya zwithu zwa mvelo zwine nda vhona, uri ndi zwi fanyise na zwithu zwa tshimuya zwine ndo zwi divhisa, ngauri ndo vha ndi nga si ite uri zwi pfale kha inwi na nga phendaluambo na nthihi zwayo.

<sup>58</sup> Huno, zwo diralo, Mudzimu u dzulela u fanyisa zwa tshimuya nga zwa mvelo. Arali ho vha hu si na Bivhili, ndo vha ndi tshi do zwi divhia uri Vhukriste ndi hone, ngauri lifhasi lothe lo rembulutshela kha lufu zwino, u swiṭwa, na mvuwo. Mupo u shuma lufu, u swiṭwa, na mvuwo.

<sup>59</sup> Lavhelesani kha lurere lwa muri, uri zwi bveledza hani maṭari, na mutshelo, zwi a wa; zwa humela murahu kha lifhasi u itela vhuria vhu rotholaho, fhasi-fhasi ha mavu; zwa vhuya murahu nga tshifefho, na vhutshilo vhuswa. Nwaha muňwe na muňwe, u ḥanzielu uri hu na vhutshilo, hu na lufu, hu na mvuwo.

<sup>60</sup> Duvha li ḥavha nga matsheloni, lushie luṭuku lu a bebiwa, lu si na nungo. Nga ya vhusumbe kana iri ya vhumalo n̄tha ha tshithoma, lu thoma u ya tshikoloni. Nga ya vhufumi kana iri ya vhufumi na nthihi n̄tha ha tshithoma, lu ya fhedza gudedzi la n̄tha. Lu a pena kha nungo dzalwo, u bva kha ya fumi na nthihi u swika kha ya vhuraru, zwenezwo lwa thoma u neta.

Nga madekwana li thoma u ngala-ngala, li thoma u fhungudzeya nungo, mukalahā. Naa ayo ndi magumo ało, li a lovha? Hai. Li ṭavha hafhu matsheloni a no tevhelaho. Ni a vhona?

<sup>61</sup> Mupo wołthe, Bivhili yanu ya vhukuma ine ya ḥanziela na heyi Bivhili! Huno hezwo ndi zwine nda khou lingedza u ni sumbedza ano matsheloni, kha mupo ni do vhona Ipfi la Mudzimu, li tshi tevhedzela lone—lone Ipfi la Mudzimu, ngauri mupo ndi u vhumbiwa ha Mudzimu.

<sup>62</sup> Vhunga saintsi, vho wana zwivhumbwa na milayo ya mvelo, fhedzi a vha divhi uri iyo myelo ndi mini. A vha divhi Vhutshilo ha mvelo. Hezwo ndi Mudzimu. Ngauralo, zwivhumbwa zwi si na tshanduko a si zwa vhudi.

<sup>63</sup> Zwino, tsinde, malelevudza, na kanda, dzhielani nzhele. Hagara o fanyisa tsinde, le la vha li vhutshilo ha u thoma ho thomaho pfulufhedziso. Sara u fanyisa malelevudza, kana mufhunga, ha da malelevudza. Maria, musidzana tshipofu, o fanyisa nahone a bveledza Mbeu ya ngoho ya tshimuya, uri a bveledze tsinde la vhukuma. Hagara na Sara, vhołthe ho vha nga vhudzekani. Fhedzi Maria, musidzana tshipofu, ho vha nga maanda a Ipfi lo fulufhedziswaho la Mudzimu, nga mbebo tshipofu. O bveledza Mbeu ya vhukuma. Tsinde, Hagara, mufumakadzi wa vhuvhili, nga u timatima pfulufhedziso, o shuma nga kha u timatima, zwiłuku.

<sup>64</sup> Ndi tou fulufhela, ngavhe Mudzimu vha tshi ri thusa. A thi ralo... ndi khou ḥoda hezwi ni tshi zwi vhona, nga maanda. Ni nga si timatime zwiłuku liñwe Lao. Ni tea u Zwi dzhiya nga ndila ine Zwa vha ngayo. A Li ḥodi thalutshedzo. Bivhili i ri, "Ipfi la Mudzimu a si la thalutshedzo yo dzumbamaho." Mudzimu ha ḥodi zwikolo zwashu na luthihi uri zwi ḥalutshedze Ipfi Lawe. Musi A tshi Li khwałhisedza nahone a ita uri Li tshile, heyo ndi yone ḥalutshedzo Yalo. Musi Mudzimu vha tshi ri, "Kha hu vhe na tshedza," ho vha na tshedza. Hezwo a zwi ḥodi thalutshedzo. Musi A tshi ri, "Musidzana tshipofu u do vha muthu wa thovhele," o vha muthu wa thovhele. A zwi ḥodi uri zwi ḥalutshedzwe.

<sup>65</sup> A ri ḥodi hezwi zwełthe, ndi dziseminari na zwithu zwine zwa wana vhanna, "Zwo luga, ri na thalutshedzo. Ri na thalutshedzo."

<sup>66</sup> Mudzimu Ene muñe u ḥalutshedza Ipfi Lawe Ene muñe. Ha ḥodi muñwe muthu a tshi Mu ḥalutshedzela. O ri, "Zwi do iteya," huno zwa iteya. O ri, "Mađuvhani a u fhedza, U do shela Muya Wawe," A ralo. A thi na ndavha na zwe dzidinomineisheni dla amba. O zwi ita, naho zwo ralo, ngauri O ri U do zwi ita. Ngauralo, a Zwi ḥodi thalutshedzo, ngauri Mudzimu u ita thalutshedzo Yawe Ene muñe.

<sup>67</sup> Huno hezwi zwithu zwine na zwi vhona, zwine zwa vhonala sa tshiphiri kha inwi. Arali na ralo, ni elelwe; vhushumeli hanu,

vhoinwi Vhapentekostała, murahu ngei kha ya furaru kana miňwaha ya fuiňa yo fhıraho, ho vha hu na tshiphiri kha—kha tshivhidzo tsha Methodisi na tsha Baphuthisi, vhunga Hezwi zwo rali kha inwi ḥamusı. Fhedzi zwino Zwi waneni kha Ipfi. Ndi khou lingedza u ni sumbedza vhunga no lingedza u vha sumbedza. Huno zwenezwo arali Mudzimu a rembuluwa nahone a ri Zwo ralo, kha Ipfi, zwenezwo a Zwi khwařisedza uri zwo ralo, heyo ndi ṭhalutshedzo ya Mudzimu Ene muňe. A ni ḥodi muthu a tshi ni ṭalutshedza zwone.

<sup>68</sup> Zwino, Hagara, nga “zwiętuku”! Elelwani, ni nga si ȳuse Ipfi lithihi Henefho. Huno Yesu o ri, kha Nzumbululo, kha u vala ha Bugu. Huno mathomoni a Bugu, Kristo o ri, “Muthu muňwe na muňwe ane a ȳusa Tshipida tshithihi kha Ipfi!” Ipfi lithihi fhedzi li so ngo ȳalutshedzwa zwone, lo vhanga vhulwadze vhuňwe na vhuňwe, lufu, lune ro no vhuya ra vha nalwo. Zwo luga, arali Mudzimu, Ane a vha mukhethwa, o lavhelesa phasi; huno a vhanga hohu u vilingana hothe nga ḥnhanı ha u sa ȳalutshedzwa zwone huťuku ha Ipfi ȳithihi, huno tshithu tshiňwe na tshiňwe tshi lwaho na ilo Ipfi likhethwa tsho vhanga hohu u vilingana hothe; na u tambula, u shuluwa malofha na u fa ha Murwa Wawe Ene muňe, u vhuyedzedza hetshi tshithu tshi ofhisaho murahu kha Ene muňe; ri khou ya u dzhena hani ngomu nga nnđa ha u tevhedza Ipfi lothe?

<sup>69</sup> “Zwo luga,” ni ri, “Mukomana Branham, hezwo zwo vha zwi kha Genesi.” Ndo zwi pfa hezwo, ni a vhona.

<sup>70</sup> Fhedzi i rani ndi ni vhudze, Nzumbululo, hetsho ndi tshipida tsha u fhedzisela tsha Bugu. “Nnyi na nnyi ane a do ȳusa Ipfi lithihi kha Bugu ya hovhu vhuporofita, kana u engedza ipfi lithihi Khayo, tshipida tshawe tshi do bviswa kha Bugu ya Vhutshilo.”

<sup>71</sup> Yesu o ralo, vhukati ha Bugu! Khedzo ḥanzi tharū dzaňu hafhu: Genesi, Testamente Ntswa, na ḥuvha ḥa ḥamusı. Yesu o ri, “Muthu ha nga tshili nga vhurotho fhedzi, fhedzi nga Ipfi ḥiňwe na ḥiňwe li bvaho mulomoni wa Mudzimu.”

“Zwo luga, O vha a sa ambi hezwo.”

<sup>72</sup> O vha a tshi khou amba na vhathu vhe vha vha vha vho rathiolodzhi, dza ḥthesa. Havho vhotshifhe, makhulu-kuku-kuku-kuku-kuku-kuku vhavho vho vha vha vhotshifhe. U amba zwi si ngoho kha Ipfi lithihi Lazwo, nga mini, ho vha hu tshigwevho tsha lufu. Vho vha vha tshi kandıwa nga matombo, u kundelwa nga Ipfi lithihi. Fhedzi vho vha na ȳalutshedzo yo khakheyaho Yazwo. Zwenezwo musi Ipfi Lone ḥine; musi Mudzimu vha tshi fulufhedzisa u rumela Mesia, huno vha Li rumela nga zwiambaro zwa mukumba zwe A fulufhedzisa uri Li do da nga u ralo, huno vho vha vha na mukumba wo fhambanaho wa uri A putelwe ngawo.

<sup>73</sup> Ntendeleni ndi ambe hezwi. Zwo ralo na namusi, uri a vha Li wani! A zwi ho kha mukumba wa zwa vhudinomineisheni kana zwa kuhumbulele. Zwi kha mukumba wa maanda na muwoo, na u vhonadzwa ha Kristo o vuwaho, nga ndila ye Mudzimu a Zwi fulufhedzisa, nahone hu si kha mukumba wa ngelekanyo dza vhathu nga Halo.

<sup>74</sup> Zwino, Hagara, nga phambano nthihi thukhu, nga kha musadzi, hu si nga Abrahamu zwino. Abrahamu o vha a sa t̄odi u zwi ita, fhedzi Mudzimu vha mu tendela a zwi ita ngauri o... Tshithu tshi fanaho, O tendela Biliamu uri a tshimbile. Zwino dzhielani nzhele, nga phambano thukhu Nazwo, a beba Isimaele, we a vha a muthu wa qaka, ho ngo vhuya a kundiwa. O tshila nga vhura lawe. O vha a muthu wa qaka. U tshe o ralo, namusi.

<sup>75</sup> Zwino Sara, tsinde, kana mufhunga, Sara, mufumakadzi wa vhukuma wa pfulufhedziso, o beba dzhinga, we a bveledza lushaka lwo fulufhedziswaho.

<sup>76</sup> Zwino, fhedzi, Maria, hu si na vhudzekani, fhedzi nga pfulufhedziso, vhunga Abrahamu o wana pfulufhedziso kha Mudzimu, Ipfi la Mudzimu, fhedzi a tenda pfulufhedziso, "Vhonani mulanda wa Murena," ni a vhona, ho ngo bveledza tsinde, fhedzi Mbeu ya vhukuma, ngauri O vha a Ipfi le Abrahamu a li tenda na le Maria a tenda.

<sup>77</sup> Zwino, Maria o vha a si Mbeu, o vha a tshi tou vha kanda la Mbeu. Havha vhañwe vhavhili vho vha vha vhahwali vha vhutshilo, mbeu ya mvelo fhedzi. Maria o vha a si Mbeu, ene mune; fhedzi vhunga lutendo kha Ipfi la Mudzimu, lwo bveledza tshifanyiso tsha vhukuma tsha Ipfi, ngauri O vha a Ipfi. Fhedzi vhunga kanda, lone... la gorou, thoro ya gorou, kanda li fara gorou ngomu halo nahone la i tsireledza u swika i tshi kona kana i tshi aluwa lwo edanaho uri i ise phanda nga yone ine. Ni a vhona? Zwenezwo, yo vha i Mbeu Yone ine ye ya mu tutshela. Vhunga, Mbeu yo vha i mbumbeloni yawe, o vha a si Mbeu. Ho ngo bveledza Mbeu. Mudzimu ndi Mbeu.

<sup>78</sup> Zwino, malofha zwenezwo, vhathu vhanzhi vha elekanya uri o vha a malofha a Muyuda ane ro tshidzwa ngao. Huno vhañwe vhavho vha ri, "Zwo luga, ri na pfanelo sa Vhannda, ngauri Rahaba wa phombwe na—na Rutē wa Mumoaba, na vhañwe-vho, vho vha vha Vhannda." A ni teyi u divhidza hezwo na luthihi, na muthihi zwawe. O vha a si Muyuda kana Wannda.

<sup>79</sup> O vha a Mudzimu, ene Logos, Ipfi lo bvaho kha Mudzimu. Musi, La thoma u alama kha lifhasi, huno La bveledza vhutshilo ha madini. Musi Muya wa Mudzimu, ene Logos, Ipfi, le Mudzimu a ri, "Kha zwi ralo," huno ha bvelela Logos, ine ya vha Ipfi. Huno Ipfi la thoma u... ngauri hezwi zweþhe zwo vha zwi kha Logos; Ipfi loþhe la Mudzimu, Bivhili yoþhe, kha tshikhathi tshinwe na tshinwe. Huno musi Logos i tshi thoma u femela kha lifhasi, ha bvelela vhutshilo ha madini; huno hu tshi aluwa, vhutshilo ha

zwiṇoni, u ya nthā kha vhutshilo ha phukha. Huno mafheleloni ha bvelela tshiñwe tshithu kha u imelela, kana tshi vhonala sa tshithu tshe tsha vha tshi tshi khou zwi alamela, u zwi alamela, Mudzimu, muthu sa tshifanyiso kokotolo tsha Mudzimu.

<sup>80</sup> Hoyo muthu a wa, vhunga mbeu i tshi teya u wa. Huno zwenezwo Mudzimu vha thoma u alama kha izwo, murahu ha u wa. A takusa ene—ene Inoko, A takusa Eliya, A takusa Mushe, A takusa muporofita murahu ha muporofita, a tshi khou lingedza u vhuyedzedza tshila tshifanyiso hafhu. Huno, mafheleloni, kha lifhasi ha bvelela tshifanyiso tsha vhukuma tsha Mudzimu Ene muṇe hafhu, tshe ha vha Mudzimu, Logos o itwa ḥama nahone a dzula vhukati hashu.

<sup>81</sup> Zwino heiła Logos nthihi i na tshipida, U na Muselwa, nahone Logos nthihi, heli Ipfi li sa koni u tambiwa ngalo, li khou alama kha zwivhidzo ḥamusi, li tshi lingedza u vhuisa Ipfi kha mbonalo Yalo yo fhelelaho. Ine, vhone—vhone vhaporofita vho vha vha vhahwali vha iyo Mbeu, zwino na tshivhidzo tsha dzidinomineisheni tsho vha tshihwali tsha Mbeu. Zwino dzhielani nzhele, nga u ṭavhanya, fhedzi vhunga kanda li tshi ḥembeledza, li tshi fara Mbeu, zwenezwo ya li ṭutshela.

<sup>82</sup> Yesu o vha a Mudzimu. O vha o ralo. Khotsi Awe ho vha hu Logos khulu Yone inę. Huno O vha a nga si I shele yothe kha Mushe, ngauri o vha a muporofita.

<sup>83</sup> Huno Ipfi la Murena tshifhinga tshothe, a li kundelwi, li da kha muporofita. A hu na fhethu, a hu na tshifhinga, kha Bivhili, kana u bva tshe Bivhili ya vha hone, he ṭhalutshedzo yone-yone ya Ipfi ya da kha rathiolodzhi. A zwi ho Mańwaloni. Na Vhafarisei a vho ngo ralo, na Vhasadukei a vho ngo ralo, na Mudzimu ho ngo vhuya a takusa muporofita kha muṇwe wavho, nahone ho ngo vhuya A ralo mađuvhani a u fhedza.

<sup>84</sup> Musi vha tshi takuwa, vha mbo di kuvhangana vhothe nahone vha vhumba tshiimiswa khazwo, heneffo tsha fa. Fhedzi zwi na ndivho uri A ite hezwi. Ri do lingedza u zwi ṭalutshedza, Mudzimu vha tshi ri thusa. Dzhielani nzhele, vhonani hafha uri tshi tsini hani, tshivhidzo, mbeu zwino, i vho vhonala sa Mbeu Yone inę.

<sup>85</sup> Zwino ni a dzhieila nzhele, musi mbeu i tshi wela mavuni, ndi mbeu ya vhukuma. Musi i tshi aluwa, i bveledza vhutshilo. Fhedzi vhutshilo vhu ita mini kha mbeu ya gorou? A vhu bveledzi tsinde li fanaho la gorou heneffo, kana thoro ya gorou i fanaho. Ndi vhutshilo ha gorou, fhedzi i kha vhuimo ha tshihwali. Huno heyo yo vha i mbuedzedzo ya u thoma, musi Luther a tshi bvelela swiswini la u vilingana. I teya u fa.

<sup>86</sup> Ngauralo tshifhinga tshinzhi, vhathu vha a ṭungunudza. Oo, huno ndo vhala bugu a si kale, nga ha, *Mudzimu O Fhumulaho*, ndo ḥewa nga muṇwe wa havha vhadivhī vha tshizwino ane a lingedza u ni sendedza kule na Muđzimu. Arali ni sa ḫivhi

Ipfi la Mudzimu na ndivho ya Mudzimu, ni nga dzinginyiswa zwe leluwa. Fhedzi musi ni tshi vhona ndivho ya Mudzimu, mbekanyamushumo Yawe, zwenezwo nga lutendo ni a divha uri ndi Mudzimu; huno Mudzimu a tshi khou dītalusa Ene muñe, a tshi ita kokotolo zwe A ita kha—kha zwinwe zwifhinga, u tshimbila, u sumbedza.

<sup>87</sup> Ndi ngazwo Mushe o vha a sa koni u dzinginyiswa. O amba o livhana tshifhañuwo na Mudzimu, huno Mudzimu vha mu vhudza, “Ndi Nñe we a vha a na Abrahamu murahu ngei. Ndi Nñe we a ita heyi pfulufhedziso. Ndi do vha na iwe.” Zwenezwoha ni khou ya u thivha hani uyo muthu?

<sup>88</sup> Vhunga muporofita wa kale o ri, “Musi ndau i tshi vhomba, ndi nnyi ane a nga ralo fhedzi u ofha? Huno Mudzimu vho amba, ndi nnyi ane a nga ralo fhedzi u porofita?” Musi ri tshi vhona zwithu zwe Mudzimu vha fulufhedzisa kha ino awara, ri tshi zwi vhona zwi tshi dzumbuluwa, ni nga ima hani musi ni tshi vhona uri iyo ndi ndila Yawe? Zwe A amba, zwi do iteya. Ni vhona zwithu zwe zwi mangadzaho, fhedzi hezwo zwi tou vha nga ndila kokotolo ye Mudzimu vha ri zwi do iteya.

<sup>89</sup> Zwino dzhielani nzhele, “ene,” muhwali. Zwino, Hagara o bvelela sa tsinde, huno zwenezwo ha da mufhunga, huno zwenezwo ha da kanda, huno zwenezwo ha kona u da Mbeu. Zwino lavhelesani hezwi zwiwhwali, ndi khou ḥoda ni tshi lavhelesa, tsha u tou thoma.

<sup>90</sup> Zwino, tsinde a li vhonali na luthihi sa Mbeu, fhedzi Vhutshilo he ha vha vhu kha Mbeu vhu kha tsinde. Hoyo o vha a Luther. Zwino, matsinde mañuku a na maravhi; zwe bva kha Luther, zwa ya kha Zwingli, na u tsa phasi u ya kha Calvin na vhañwe vhanzhi.

<sup>91</sup> Zwino dzhielani nzhele, zwenezwo, zwe shandukisa vhuimo hazwo. Lavhelesani mupo zwino u tshi dīvhuyedza kha Ipfi la Mudzimu, sa ḫuvha; lufu, u swiñwa, na mvuwo. Zwenezwo ha bvelela mufhunga, hoyo o vha a Wesley. Huno heneffo ho vha hu na mifhunga miñku minzhi yo ḥembelela khawo, hezwo zwe vhonala sa Mbeu u fhira zwe ilo ḥari la ita, kha gorou kana vhele. Zwe vhonala sa zwe nga maanda; ngauri, Wesley na Ipfi la vhuvhili, Ipfi la vhuvhili la Mudzimu, A tshi khou alusa tshivhidzo Tshawe, tsha fhira kha u itwa mukhethwa. Hoyo wo vha u mulaedza wawe. Zwe ñhele zwe luga.

<sup>92</sup> Zwenezwo, ho no fhela tshifhinganyana, hezwo zwe tsa zwa humela kha tsinde hafhu, huno zwa bveledza mutomba wa vhele. Fhedzi phanda ha musi mutomba u tshi thoma, ho vha na u dzinginyeya, kanda, tshi tsireledzi, kwati. Huno muñavhi wa gorou muñwe na muñwe, muñavhi wa mavhele, arali na gwa heneffo huno na tupula mutomba wa vhele kana mutomba wa gorou, ni do elekanya uri hetsho tshiñuku—hetsho tshiñuku tsha u ranga tshithu tshiñuku ndi thoro ya gorou. Fhedzi, zwino,

hu na tshikhathi tsha Pentekostała. Zwino ni nga si ralo, inwi, rathiołodzhi muńwe na muńwe kana . . .

<sup>93</sup> Muđivhi wa zwakale muńwe na muńwe, zwavhudzi-vhudzi, u ya dívha uri hezwo ndi zwikhathi, nga ndila ine zwa da ngayo. Dzhiani yone—yone Bugu ya Nzumbuluło, dzhiani zwikhathi zwa tshivhidzo, huno ni vhone arali izwo zwi si nga ndila ye zwa vhonadzeya.

<sup>94</sup> Zwino, u bva kha Wesley ha bvelela Vhukhethwa ha Vhafhiri, Vhanazareta, na izwo zweithe zwivhidzo zwitšuku zwa vhukhethwa, zwi tsinisa na Ipfi u fhira zwe mbuyedzedzo ya Lułtere ya vha i zwone. Fhedzi, ni a vhone, musi Luther a tshi diimisa, hezwo zwe thoma hedzo thavhi. Huno musi hezwi zwi tshi takuwa, Muya wothe wa Łutshela tshivhidzo tsha Lułtere, zweithe fhedzi tshi tshi tou vha tsha zwa dinomineisheni, huno vhatendi vha vhukuma vha ya kha u itwa mukhethwa.

<sup>95</sup> Huno musi u itwa mukhethwa hu tshi fhela, Vhafhiri Vhakhethwa, na vhańwe, na zwiimiswa zweithe zwa vhukhethwa, Vhanazareta, na zwińwe zwinzhi, Wa pfuluwa heneffho, wa ya kha tshikhathi tsha Pentekostała. Huno lavhelesani kha thoro Łukhukhu zwino, ya gorou, i vhonala sa gorou ya vhukuma lu re na tshivhalo tsha miljoni, ye ya wela mavuni, u fhira zwine tsinde la ralo kana zwe mufhunga wa ralo. Fhedzi arali na nga dzula fhasi, na i vheya fhasi ha ngilasi, huno na vula hayo makanda małuku, a tou vha zwihwali nao-vho. Thoro a i athu u thoma. Hu tou vha na Łodzzi Łukhukhu murahu heneffho, i na ngilasi khulu ya lupuse ine na kona u vhone ukwo kutodzi kutuku, vhunga Łodzzi ya neleće, heneffho hu bvelela mbeu. Huno heli kanda hafha Łi vhonalaho sa tshithu tsha vhukuma, a si Ła tshithu tsha vhukuma. Łi tou vha mbumbelo.

<sup>96</sup> Vhunga mbumbelo ya Maria. Maria o vha a si Mbeu, kha u imelelwa hafha ha tsinde. O vha a tshi tou vha muhwali Wayo, vhunga zwińwe zweithe. Fhedzi nga u thoma u vhidziwa na u nangiwa, nga Muđizimu Ene mune, u itela ino ndivho, zwi vhonala nga maandarda sa zwine khonani dzashu dla Katolička dla elekanya, uri o vha a mme a Muđizimu. Hai, o vha a si mme a Muđizimu, na Mbeu ya Muđizimu zwayo o vha a si yone.

<sup>97</sup> Musadzi u bveledza gumba. Muđizimu vha bveledza hone—hone vhutshilo. Łone dzofha, malofha, a kha mbeu ya tshiduna.

<sup>98</sup> Khuhu i nga kudzela kumba kana tshinoni tshi nga kudzela kumba, nga tshifhefho tsha fhaća tshiṭaha tshatsho, fhedzi, arali tshinoni tsha tshisadzi tshi so ngo vha na vhuschaka na tshinoni tsha tshiduna, a tshi nga thothonyi. Tsho fa. Tshi do sinela tshiṭahani.

<sup>99</sup> Vhunga ndo dzulela u amba, heyo ndi yone thaidzo kha zwivhidzo Łamusi, zwi khou sinela ngomu heneffho zwiṭahani, zwi vhidziwaho u pfi Methodisi, Baphuthisi, Pentekostała, na

zwińwe zwinzhi. Arali zwa sa vha na vhūtumani na Ipfi, Łone line, zwe sina heneffho tshiṭahani, kha tshiiṁiswa tshavho.

<sup>100</sup> Zwino, zwino vhańwe vhavho vha amba zwenezwo, Vhaphurosítente vha tendanyana kha uri ho vha hu Maria o bveledzaho gumba. Arali hezwo zwe ralo, lavhelesani zwine na ita uri Yehova Mudzimu o ita. Gumba a li koni u bveledzwa hu si na u sengenedzwa.

<sup>101</sup> Ngauralo, ni a vhona, Mudzimu vho ita zwethe gumba na tshitzhili, O sika zwethe kha mbumbelo ya Maria. Huno houla Muthu o vha a si tshińwe tshithu fhedzi Mudzimu Ene muñe o itwa ḥama nahone a dzula vhukati hashu, Immanuele, hu si muthu wa u luga fhedzi, muporofita; O vha a Muthu wa u luga nahone a Muporofita; hu si mudededzi, rathiolodzhi. Oo, A nga vha o—A nga vha o vha zwethe hezwo; O vha a zwethe kha zwethe. Fhedzi ḥtha ha hezwo zwethe, O vha a Mudzimu Ene muñe. Bivhili yo ri, “Ro tshidziwa ḥga Malofha a Mudzimu.” Muđzimu Ene muñe, hu si muthu wa vhuraru kana muthu wa vhuvhili. Ene Muthu, Mudzimu Ene muñe, Yehova muhulwane, o ḥadza Maria; huno Musiki, huno a sika zwethe tsinga dza malofha, vhutshilo, na gumba-vho.

<sup>102</sup> Arali na ita uri Muyuda a vhone hezwo, ni... u ya ḥivha uri Mesia ndi Nnyi. Musi John Rhyn a tshi fhodzwa ḥtha hangei Benton Harbor, o vha o pofula lu na minwaha ya fuīna. Mufunzi a mmbudzisa, a ri, ndo vha na nyambedzano nae, a ri, “U nga si tumule Mudzimu a vha zwipiđa zwiraru huno wa Mu ḥetshedza Muyuda.”

<sup>103</sup> Nda ri, “Vhańwe vhavho vha a ralo. Fhedzi a ri tumuli Mudzimu a vha zwipiđa zwiraru.” Nda ri, “Naa u ya tenda vhaporofita?”

“Zwo ralo, ndi a tenda vhaporofita,” a ralo.

<sup>104</sup> Nda ri, “Yesaya o vha a tshi khou amba nga ha nnyi, Yesaya 9:6, ‘kha riñe Ḥwana o bebiwa?’”

A ri, “Nga mini, ho vha hu Mesia.”

<sup>105</sup> Nda ri, “Ndi vhufhio vhushaka hune Mesia a ḥo vha na ho na Mudzimu?” Hezwo zwa li dzudzanya. Ndi a amba zwino... .

A ri, “U ḥo vha Mudzimu.”

<sup>106</sup> Nda ri, “Ndi zwone kokotolo. ‘Dzina Ławe u ḥo pfi Mulanguli, Mukololo wa Mulalo, Mudzimu Ramaandža, Khotsi wa Lini na lini.’”

<sup>107</sup> Hafho ndi hone hune vha vhuthihi vha kundelwa, hafho ndi hone hune vha vhuraru vha kundelwa, masia othe a ḥdila. Fhedzi vhukati hu takadzaho hu heneffho nga vhukati. Arali Mudzimu a tshi nga vha Khotsi Awe Ene muñe, arali Yesu o vha a Khotsi Awe Ene muñe, A nga si ralo. Huno arali a na muńwe Khotsi nga nn̄da ha Mudzimu, nahone Bivhili yo ri “Muya Mukhethwa” wo vha u Khotsi Awe, huno arali vha mimuya

mivhili yo fhambanaho, O vha a ḥwana wa khangamutupo. Ndi zwone. Ndi nnyi we a vha a Khotsi Awe, Mudzimu kana Muya Mukhethwa? Ambani muthihi huno ni lavhelese uri ni do shonisea hani. Mudzimu o vha a Khotsi Awe. Izwo ndi zwone? [Tshivhidzo tshi ri, “Amen.”—Mudz.]

<sup>108</sup> Mateo 1:18, O ralo.

*Mabebo a Yesu Kristo o vha nga kha vhūṭali: Musi . . .  
mme awe Maria o vha o fulufhedziswa nga Yosefa,  
phanda ha musi vha tshīṭangana, o wanala a na ḥwana  
wa Muya Mukhethwa.*

<sup>109</sup> Zwino Khotsi Awe ndi Nnyi? Ni a vhona, ni a vhona zwine nda khou amba? Dzhielani nzhele.

*. . . Yosefa munna wawe, nga u vha muthu wa u  
luga . . . a sa ṭodi u mu shonisa, o vha a tshi elekanya u  
mu ṭutshela nga u ḥenga, nga yeneyi ndila.*

Vhonani, *musi a tshi kha di elekanya hezwi zwithu, . . .  
muruṇwa wa Murena a bveleta khae mułoroni, a tshi  
ri, Yosefa, iwe murwa wa Davita, u so ngo ofha u  
dzhiya kha wau . . . Maria mufumakadzi wau: ngauri  
zwe a dihwala ngazwo ndi zwa . . . [Tshivhidzo tshi ri,  
“. . . Muya Mukhethwa.”—Mudz.]*

<sup>110</sup> Ndo elekanya uri vho ri, “Mudzimu Khotsi o vha a Khotsi Awe”? Oo, vhорathiolodzhi, u pфесеса hańu hu gai?

Dzhielani nzhele, “Hu do vha na Tshedza nga tshifhinga tsha madekwana!”

<sup>111</sup> Mbeu ya vhukuma yo bva kha Maria, fhedzi yo vha i si Mbeu yawe. Yo vha i pfufuhedziso ya Mudzimu, ye a ri, “Vhonani mulanda wa Murena.” Vhahwali wa vhutshilo ho vha hu vhasadzi. Huno zwino, Maria, Mbeu i tsini zwavhukuma.

<sup>112</sup> Hagara o teya u i ṭanganedza nga ndila yo shandeyaho. Sara, nga u timatima zwenezwo, o ita uri i vhe mbeu ya myelo ye a bveledza, lutamo lwa vhudzekani. Fhedzi Maria, hu si na vhudzekani na luthihi, o tenda Ipfi, huno Ipfi la itwa nama.

<sup>113</sup> Fhedzi dzhielani nzhele, Maria nga u vha tsini zwavhukuma, o fara Mbeu kha mbumbelo yawe, nahone zwa vhonala unga i do vha Mbeu yawe. Huno zwo ralo na kha Pentekostała. Ndi khou ya u humela hayani. Fhedzi elelwani, Yesu o ralo, kha Mateo ndima ya 24, ndimana ya 24, “Mađuvhani a u fhedza, mimuya mivhili . . .” Hu si mađuvhani a u ranga, zwino. “Zwifhingani zwa u fhedzisa, mimuya mivhili i do vha tsini na tsini u swika i tshi do fhura vhanangiwa arali zwo vha zwi tshi konadzea.” Muya wa Pentekostała, kokotolo sa tshithu tsha vhukuma, zwo khunyelela nga ndila ine zwa nga fhura vhanangiwa arali zwo vha zwi tshi konadzea.

<sup>114</sup> Zwino, hayo a si maipfi anga. Hezwo ndi zwe A amba. Zwino, ho no fhela tshifhinganyana, khańwe ni do pфесеса zwine

nda khou lingedza u amba. Zwino heyo Mbeu i vhonala nga maanda . . .

<sup>115</sup> Hejo kanda li vhonala sa Mbeu, u fhira zwine mufhunga wa ita, na u fhira zwe tsinde la ita, fhedzi two vha zwi tshi tou vha zwihiwali zwa Mbeu. Ni a vhona, Luther o diimisa, tsinde la fa; Wesley o diimisa, mufhuga wa fa; Pentekoste yo diimisa, vhutshilo ha fa. Huno zwino ha bvelela Mbeu. Ni nga si ye kule u fhira Mbeu.

<sup>116</sup> Dzhielani nzhele, miñwahani yothe yo fhiraho, musi mutshimbilo muhulu u tshi takuwa, murahu hawo hu da tshiimiswa nga u ḥavhanya. Miñwaha i yelaho kha miraru ndi ine mvuseledzo ya fhela, zwenezwo vha zwi ita tshiimiswa, vha ita tshiimiswa. Hu teya u vha na vhanzhi vha bvaho khazwo; vhunga ho vha na vhanzhi vho bvaho kha Luther, matavhi; na vhanzhi vho bvaho kha mufhunga, Wesley; nahone mañari a Pentekostała a khou bvela nn̄da, vhuthihi, vhuvhili, vhuraru, vhuña, vhuñanu. Oo, khathutshelo! Ni a vhona?

<sup>117</sup> Fhedzi, dzhielani nzhele, miñwaha ya fumbili ye Yesu Kristo a divhonadza! A ho ngo vha na tshiimiswa na tshithihi tsho takuwaho, nahone na tshithihi zwatsho a tshi nga vhuyi tsha ralo; tshi do fa vhunga mutshimbilo muñwe na muñwe wa mvula ya mibvumbi, na zwinwe-who zwothe. Hetshi ndi tshifhinga tsha vhufhelo, Mbeu, huno a i nga vhi malaifa na kanda, hu tshi di nga Isimaele a so ngo vha mulaifa na Isaka.

<sup>118</sup> Vhonani hafha uri u tsini hani, tsini lwo edanaho u fhura. Luther, tsinde; Wesley, malelevudza; huno María, kanda, kana mbumbelo, kana Pentekoste. Ndi nga dzhena hani kha kanda, nahone nda ni sumbedza. Fhasi u tsa na tshikhathi, a zwi ngo vhuya zwa sendela tsini u swika zwine zwa vha zwone zwino. Tshiñwe na tshiñwe ndi tshivhidzo, *tshivhidzo*, ni a vhona, ndi “ene.”

<sup>119</sup> Huno dzhielani nzhele, ho vha hu “ene,” u rangani, we a timatima pfulufhedziso ya vhukuma. Ho vha hu si Mudzimu we a humisela Ipfi Lawe murahu. Mudzimu ha khou humisela Ipfi Lawe murahu ñamusi; U khou khwañisedza Ipfi Lawe la vhukuma! Fhedzi Sara o ri, “Khañwe, khañwe; ro lindela.”

<sup>120</sup> Heyo ndi yone thaidzo kha vhatu ñamusi, ni khou lingedza u gonya kha tshithu tshireni si ñivhiuri ni khou gonya kha mini. Ni khou ya u zwi ita hani nn̄dani ha musi ni tshi ñivha zwine na khou ita? Naa ni khou tshimbila no valwa mañ? Ni tshi lingedza u gonya kha tshithu tshireni si ñivhe zwine na khou ita, ni do wa. “Arali bofu la ranga phanda bofu, vhothe vha wela mulindini,” Yesu o amba zwenezwo.

<sup>121</sup> Fhedzi zwino ro ima kha tshifhinga tsha Mbeu. Zwino Mbeu i do farelela, (mini?) u tikedza, u shumisana na Mbeu yo Zwi faraho. Yo dzudzwa henefho hu na ndivho, uri i zwi fare.

<sup>122</sup> Ngauri, vhunga duvha li tshi ṭavha mathomoni a tshifhefho, kha gorou, lavhelesani mupo woṭhe musi khalañwaha dzi tshi ṭandulukana, musi duvha li tshi ṭandulukana, zwoṭhe zwi ṭandulukana nga ndila yone, kha Mudzimu. Zwino musi duvha li dudelaho li tshi thoma u penyela mbeu, i ya bvelela. Fhedzi shango li teya u vha li kha vhuñwe vhuimo u ita uri Mbeu i bve mashikani. Li teya u bva nga heyi ndila, nahone la teya u swika kha vhuñwe vhuimo u itela uri mbeu i bvelele. Li teya u bvelela nga heyo ndila, u i takusa u bva kha...kha tshikhathi tsha swiswi.

<sup>123</sup> Vhanwe vhatu...mugodi we nda ri o niwala bugu, *Mudzimu O Fhumulaho*, o ri, “Hoṭhe kha zwikhathi zwa swiswi, havho vhabali vha ṭungufhadzaho vho fa, vho tsa phasi, havho Vhakriste, huno Mudzimu o dzula Ṭadulu sa vhunga O vha a si na na ndavha.” Nga mini, vhashai vha sa koni u vhala na u niwala, o pofula, muthu o pofulaho tshimiyani, arali maṭo awe o vha a vulwa fhedzi! Naa a ni zwi ḥivhi uri mbeu u teya u edela tshikani, uri i fe nahone i siñe, phanda ha musi i tshi bveledza hafhu?

<sup>124</sup> Huno tshivhidzo tsha pentekoste tsho fa, u rangani ha tshivhidzo tsha Katolika. Huno tsha sokou bvelela kha tshivhumbeo tsha tsinde, fhedzi ni a vhona uri tshi khou vhumbea nga ndila i re tsini hani, muñwe na muñwe, kha Luṭere, Wesley, tshikhathi tsha Pentekostała? Ni a pfesesa? [Tshivhidzo tshi ri, “Amen.”—Mudz.]

<sup>125</sup> Zwino Tshi teya u vhuya tswititi murahu kha vhusumeli ha vhukuma he A vha na ho fhano kha lifhasi, ngauri ndi Muselwa. Vha vhatihihi. Zwino O fulufhedzisa, mađuvhani a u fhedza, uri hezwi zwithu zwi do iteya hani. Huno ri vhona tshiñwe na tshiñwe tshi tshi iteya, vhunga pfulufhedziso dzoṭhe, Maļiaxe 4, Luka Mukhethwa 17:30. Oo, ndi mañwe Maiwalo mangana, ha gumi!

<sup>126</sup> Huno, oo, ndi khou ya u ima, ngauri ndo lenga. Ee. Zwo luga, ni—ni vha vhudze, ni vhone arali vha tshi nga wana....Ni vha vhudzise, ni a vhona, huno zwenezwo ni de ni mmbudze. Zwino, lwa miniti. Ndi khou ṭoda u bvisa hezwi, nga maanda, ni a vhona. Ndi—ndi khou ṭoda ni tshi zwi vhona, nga maanda. Lavhelesani, Yesu...Dzhielani nzhele, ni a vhona, Muselwa.

<sup>127</sup> Naho, ri wanulusa, kha tshino tshikhathi tshine ra khou tshila khatsho, ni a vhona, uri mbumbelo, tshiimiswa tsha Pentekostała, tshi vhonala kokotolo sa tshithu tsha vhukuma. Fhedzi naa no zwi limuwa, Nzumbululo 17, i vhidza tshivhidzo tsha Katolika ya Roma, tshiimiswa tsha u thoma, yone “phombwe”? Ndi vhangana vho no ḥivha uri izwo ndi ngoho? Ndi vhangana vho no ḥivha uri ndi mme a dziphombwe? Musadzi wa kutshilele ku si kwone ndi mini? Zwino, O ri hoyu musadzi o vha a “tshivhidzo.” Phombwe ndi mini? Ndi musadzi a sa fulufhedzei

kha muano wa mbingano yawe. Phombwana ndi mini? Tshithu tshithihi, ipfi lithihi.

<sup>128</sup> Zwino, o beba. Mbebo ya lusha-de? Hu si Ipfi, fhedzi mabebo a tshiimiswa. Kheyi Methodisi, Baphuthisi, na Pentekosta<sup>la</sup>, huno zweathe two dzhiya dzema la mme azwo. Musadzi muñwe na muñwe wa u huliswa hafha California a nga beba musidzana tshipofu; huno ndi ngazwo mulaedza wa u thoma wo bvelela, fhedzi musi ngoho yo vhonadzwa kha tshikhathi tsha Luther, ya u itwa mukhethwa, ho ngo kona u i dzhiya. Musi ndovhedzo ya Muya Mukhethwa yo tendelwa, yo nekedzwa kha Vhamethodisi, a vho ngo i dzhiya. Huno zwino musi tshifhinga tsha Mbeu tsho bveledza pentekoste, tshi nga si I dzhiye. Tsho qimisa. Fhedzi tsho vha tshihwali tsha Mbeu, ni a vhona.

<sup>129</sup> [Murathu u amba nga dziñe ndimi. A hu na tshithu kha theiphi—Mudz.] Amen. Zwino ndi a livhuwa Murena nga izwo, Ipfi, u leluwa ha Ipfi lo ambiwaho.

<sup>130</sup> Ni a vhona, two tou leluwa, vhunga kha hezwi, sa u lavhelesa vhele li tshi aluwa. A ni teyi u vha na ḥhalutshedzo khulu ya thiolođzhi yazwo. Itanu zwi lavhelesa. Ni khou... U tsini hanu, tshifhinga tshothe. Ni a vhona, yone... ndi....

<sup>131</sup> Ndi khou teya u ima. Ndo pfa mukokodzo muñkunyana, huno ndo mu humbela uri a ite zwenezwo. Ri khou teya u vala. Zwino, murathu, heyi tsumba nthihi fhedzi, zwenezwo ndi do ḥuwa.

<sup>132</sup> Lavhelesani, zwino. Kanda, tsinde, na zwiñe zwinzhi, zwi tou vha zwihwali zwa Ipfi. Zwi na tshipida tsha Ipfi, ni a vhona, u swika zwi tshi swika fhasi; u itwa o lugaho, u itwa mukhethwa, u vhuyedzedzwa ha mpho kha—kha Pentekostala. Fhedzi zwino dzhielani nzhele. Vhunga ho vha Isimaele, Isaka, ni a vhona, huno zwenezwo Yesu; ni a vhona, muñwe o vha o shandulwa, muñwe o vha a wa vhukuma, huno ha bvelela Mbeu Yone ine. Ni a vhona? Zwino, tshivhidzo tsho bvelela nga tshenetsho tshithu tshithihi, murahu. Vhunga liluvha kana tshiñe tshithu-vho, li a ñwa, la kokodza, nahone la ya....

<sup>133</sup> Hezwo a zwi ambi uri Vhaluṭere yo xela. Vhaluṭere vho landulaho u itwa vhakhethwa, vha ḥo ralo, vhane vha khou ḥoda u farelela kha tshithu.... Ni a vhona, Isiraele yo la mana ntswa vhusiku vhuñwe na vhuñwe, ni a vhona. Dzhielani nzhele.

<sup>134</sup> Fhedzi zwino vhufheloni ha tshifhinga, lavhelesani kha heli kanda hafha, zwino dzhielani nzhele, kha gorou. Tshiphiri tsho khunyelelaho tsha—tsha Vhutshilo tsho pfuñelwa ngomu ha kanda. Ri vhona kha Luther, zwi tshi gonya. Ri tshi vhona kha malelevudza, tshi tshi bva. Ri tshi vhona kha tsinde. Ra swika fhano, zwino tshi kha tshivhumbeo tsha kanda, tshi nga tshikhathi tsha pentekosta<sup>la</sup>, fhedzi tshiphiri tsha vhukuma tsho dzumbama ngomu.

<sup>135</sup> Zwino elelwani, u ya nga Nzumbululo, tshiphiri tshothe tsha Bugu tsho pfuñelwa na Mapfundo a Sumbe, ane vhavhuyedzedzi vha si vhe na tshikhala tsha u a amba, maga mana a u vhuyedzedza, maga mana a Mavhanda mana o yaho u ḥangana na maanda mana a shango. La u thoma lo yaho, ho vha hu . . .

<sup>136</sup> La u thoma ho vha hu mini? Nda, u ḥangana na tshikhathi tsha Roma. Helo ho vha hu Ipfi, la vhukuma. Ndi Ene Nda u lushaka lwa Yuda. Kristo Ene muñe o ya a ḥangana na itsho tshikhathi. Phukha i tevhelaho ye ya ya u ḥangana; phukha i no tevhela yo bva, u ya u ḥangana na na muñwe munameli wa bere, o vha a mini? Ni a vhona, munameli wa bere wa u thoma o vha o ambara zwitshena, khare i kha ḥoho yawe, ho no vha kale, na zwiñwe-vho, fhedzi vhura vhu si na misevhe.

<sup>137</sup> Dzhielani nzhele bere ya vhuvhili ye ya bva, Livhanda le la ya u ḥangana nayo ho vha hu namana. Namana ndi livhanda la tshiḥavhelo. Vho tsela fhasi kha vhakumedzwa nga tshikhathi tsha swiswi.

<sup>138</sup> Livhanda la vhuraru le la ya u ḥangana na bere i no tevhela, phanda ha musi bere ya lufu i tshi gidima, lufu na hele, bere i no tevhela yo ya ho . . . Livhanda li no tevhela le la ya u ḥangana na munamele wa bere wa liya duvha, ho vha hu Livhanda li na tshifhaṭuwo tsha muthu. Ndi vhangana vha no zwi divha? Tshikhathi tsha vhaṭali, vhavhuyedzedzi, Luther, Wesley, Calvin, Knox, Finney, Moody. Ni a vhona?

<sup>139</sup> Fhedzi two ralo dzhielani nzhele, ndi mini tsho bvaho nga tshifhinga tsha madekwana? [Murathu u ri, “Goni!”—Mudz.] Goni, zwa vhuporofita murahu hafhu. Hu do vha na Tshedza nga tshifhinga tsha goni, ndila ya u ya Vhugalani ni do i wana, O Tshivhidzo tsha Mudzimu a tshilaho!

<sup>140</sup> Ndi tama uri ndi nga da hafha nahone—nahone nda sokou dzula fhasi nga matshelonî, nahone nda dzula duvha lothe, ndi tshi ledzana na inwi kha hezwi zwithu. Thetshelesa, ni elekanya uri a thi ni takaleli? Ndi a ni funa, vharathu vhanga. Ndi—ndi—ndi do takalela u ya kha tshiimiswa tshiñwe na tshiñwe huno nda shumi . . . huno—huno nda sokou tenda na muñwe na muñwe wavho. Fhedzi, ni a vhona, zwi nga si ralo. Zwi a konđa uri ndi vulelwé muñango.

<sup>141</sup> Ndi khou dzhena kha lushaka zwino, nga nthani ha tshiimiswa, ngauri a vha nga tendeli vhushumeli hanga he Mudzimu . . . ndo vha nwalela vhurifhi murahu, nda ri, “Lwa miñwaha ya fumi ndo lingedza u dzhena ngomu. Huno vho inwi na ndovhedzo yanu ya tshipengo!”

<sup>142</sup> Muñwe wavho u tenda hezwi, “Ni teya u lovhedzwa luraru; luthihi u itela Khotsi, luthihi u itela Murwa, na Muya Mukhethwa; tshifhaṭuwo tsho sedza phanda.” Muñwe a ri, “Hai, ni teya u lovhedzwa luraru nga muñana; luthihi u itela Murwa,

luthihi u itela Khotsi, na Muya Mukhethwa.” Huno vho<sup>the</sup> vho khakha.

<sup>143</sup> Muñwe a ri, “Ene, ni lovhedzelwa lufuni Lwawe, nahone O sedza phanda musi A tshi fa. Ri lovhedzelwa lufuni Lwawe.” Muñwe a ri, “Ndi nnyi a no swiṭa muthu nga tshifhaṭuwo tshawe? Ni mu swiṭa, nga muṭana.” Maloto o raloho, a fhandekanya vhathu, zwi sumbedza uri ndi vivho. Zwi bva ha Sathane. A si zwa Mudzimu.

<sup>144</sup> Vhukati ha masia o<sup>the</sup>, Mudzimu ha ho kha sia na lithihi, fhedzi U khou vhidzelela kha masia o<sup>the</sup>, “Ibvani vhukati havho, huno ni vhe vho fhandekanaho,” u ralo Mudzimu, “huno Ndi ḋo ni ṭanganedza kha Nñe muṇe.” Mudzimu vha ni fhaṭutshedze.



*MBEU A I NGA VHI MULAIWA NA KANDA* TSV65-0429B  
(The Seed Shall Not Be Heir With The Shuck)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Ləvhunə, Lambamai 29, 1965, u itela khuvhangano ya Vhuṭama ha Vhanna vha Vhubindudzi vha Mafhungomaqifha O Fhelelaho Vhadzitshaka ngei Hodelani ya Biltmore kha ḥa Los Angeles, California, U.S.A., wo dzhiwa kha rekmodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)